

保

赤

心

筌

六



保赤心筌卷六目錄

赤遊丹毒

湯火灼傷

小兒中毒

蟲積

小兒雜證

項頸瘰核

小兒瘡疥

跌扑折傷

食忌

補遺

保赤心筌 卷六

赤遊丹毒

小兒紅丹皆由心火上炎熱與血搏或起于手足或發于頭面延于胸背腹脇游行上下狀似紅霞熱似火燒痛如刀割因其色赤如丹砂故名曰丹火毒亦胎毒也凡兒生周歲內發者難治一歲以外發者易治先起于四肢入腹者難治由胸腹出四肢者易治凡治紅丹不可先用敷藥恐遏抑毒火內攻致死也

丹毒

一

是以名人治法起首先用發表解毒如防風升麻湯之類方不使毒內陷外用蟾魚血一杯調代赭石末塗之乾則以蟾血再潤之按胡洽居士言小兒赤丹多由血熱生毒浮游遍体赤腫痛痒不堪如氣虛脾弱難任涼消及大黃等藥者莫若用生地四物湯加防風各五黃芩減半煎服量兒大小增減藥到病除惟忌食酒麪猪雞鵝羊肉荳腐辛辣油煎諸物不可犯禁

凡治紅丹宜將細磁碗打碎挑取銳鋒一片夾縛於

敗毒散表

六 竹箸頭上將磁鋒正對丹毒一手把定更以一簪

七 就磁片上輕敲打三五下毒血自出多刺尤妙

八 河間謂是治丹第一法若溺愛之家不肯用砭但

九 知敷藥偏毒入腹十中不能救一二唐笠山子姪

四 二人俱發丹毒偏身火赤子較甚自用砭法服連

十 翹敗毒散即愈欲死姪嫂不忍從次日即死

三 活幼心書云丹有十種急宜于三日內認明證

更 候分別論治無論大小輕重百不失一也

一 曰飛蛙丹 紅腫起自頭項以葱白自然汁塗之

丹毒

二



二曰走蛙丹 亦起自頭項紅腫更加痛苦異常者

是也紅飯豆為末雞子清調塗

三曰鬼火丹 先從面工起紅腫者是也灶心土研

末以雞子清調塗

四曰天火丹 從背上起赤點者是也桑白皮焙研

末用羊^脂和塗

五曰天電丹 從兩臂工起腫痛赤黃色柳木炭研

細新汲水調塗

六曰水丹 先從兩脇起赤腫者是也鋪鐵磨濃汁

猪脂調搽

七曰葫蘆丹 先從臍下起者醋調尖桮榔末塗

八曰野火丹 先起自兩足赤腫者羊脂和乳香塗

九曰烟火丹 起自足背工赤腫者是取猪槽盆下

土研末以麻油調塗

十曰無漏丹 先從陰囊下起紅腫是也取門限下

干脚泥研末以羊脂和塗

更有胎毒熾盛遍身赤游如烙諸治不效者用雲臺
菜即油菜葉貼之或搗敷之其效如神無則用乾

丹毒

三



油菜葉研末羊脂調塗山西諸郡無此菜小兒患

紅丹每用雲臺子一握和紹酒一壺同搗碎去渣

將酒煮數沸灌下二杯必愈亦此意也

愚嘗見燕齊間治一切赤丹用紅升藥外科店有之以唾

津調塗其上蓋以烏金紙越宿其毒自從外出也

惟南方小兒皮嫩恐不勝藥性之燥烈耳

黃岡令因子紅丹祈禱夢神告以荷葉燒灰存性以麻

油調敷得愈吳郡幼科方用活蛭蚰十個葱頭飛

羅麪以雞子白調敷一方用雞內金雞腸楮朮膠



各一具不可落水炙焦為末每用黃酒下一錢男
用雌女用雄

凡治赤丹偏體勢極危迫者急令人頻吮其患處使
其毒聚于吮所乃砭出惡血以蜒蚰雄黃青黛末
密調塗之薛立齋曾用之有效華岫雲言凡欲砭
紅丹必使兒平卧橈上將腳後墊高乃砭其頭項
則毒氣皆歸低處而惡血盡出矣若正抱而砭必
致留毒害人

有乳母恣食膏粱貪飲燒酒以致小兒毒火上薰頭

丹毒

四



面赤丹如火烙程明祐令易乳母單以葛花濃汁
飲免五日全消

此方治小兒驚風發熱面赤丹如火烙程明祐令易乳母單以葛花濃汁
飲免五日全消



項頸癰核

小兒項間結核以手捫之流動者痰核也凡兒陰血未充肝火易盛火風相煽痰涎上潮項頸耳後皆肝所絡肝入主筋風痰粘滯留而不行故痰核生焉然亦不過一二個與癰癰之聯串入腋者不同若審其為痰涎結核宜用香附南星末醋和作餅貼核上用艾炷灸之以痛為度外用浮海石生香附元明粉杏仁共研醋和敷以帛包之

痰核

五



逍遙散和

瘰癧者耳後有核曰瘰腋下一核曰瘰遙相對
如頭陀挂念珠模樣故曰呼瘰串此證專起于肝
以肝主筋少陽胆脉出耳之前後肝絡缺盆二經
血燥有火則其筋急而成瘰久則生瘰此確論也
治法切忌刀鍼及敷潰爛等藥以致不得收功初
起宜疏散用消瘰丸蒸元參醋煨牡蠣川貝屢試
屢效兼服加味逍遙散尤佳
瘰癧一名馬刀起耳後下頤項及胸腋間初起如荳
二三粒按之則動而微痛不甚熱久則漸大漸多

或堅而不破或潰爛不合外證面色青黃四肢倦
怠午後微熱夜卧口乾此肝胆二經風熱血燥筋
拳乃疳癆之漸也簡方頗多特取最易者脩採

初起時取桃樹白皮大三指許刮去外膚以白貼

核上艾炙數壯以熱痛為止連日灸之必效。牆

根下鳳尾草根一名石長生葉和鳳尾根如鉄線

用洗淨者一兩老酒一碗同入瓶煮去渣服每日

一次十日愈。真僵蚕二兩同晚米丸以夏枯草

湯空心送下一二錢量服更以肥甘之物補之。

療核

六



年久不愈者用新出窑石灰一塊水化生桐油調
 塗不數日奇效但宜先煎花椒蔥湯洗拭搽之此
 名白玉丹百發百中之方○膏葯宜用真麻油兩
 煎數沸至滴水不散再下提淨松香末斤熬化次
 下鮮色銅綠末兩煎至白烟將盡傾入水盆中候
 冷收藏布攤貼一切瘰核神效○舊明角燈燬炭
 研麻油和敷不拘已破未破皆效



湯火灼傷

小兒湯火灼泡切弗用冷物冷水外激致熱毒內攻
為害法宜食鹽一握研細米醋調勻頻塗不絕雖稍
覺痛楚却能護肉不壞後以破鍋燒赤入猪毛一籃
煨令毛盡化液俟冷略加大黃數錢冰片一分研細
以燭油調塗必愈傷重者用陳年泡過茶葉敷之或
以紹酒一二斗煮熟傾盆中浸兒于酒內雖極重亦
不死

治湯火瘡生地當歸

各一兩

麻油

四兩

同熬至藥枯去渣

次入白蠟

半兩 熔化攪勻

候冷塗之奇效此膏亦敷

發背癰毒潰爛

○或將煮熟雞子黃炒出油一杯

調生軍研

六錢 胡粉

二錢

和搽之

初燙時不可用冷水澆淋宜先飲童便一鐘如無則

搗取生蘿卜汁一杯乃研生大黃以麻油或生桐

油調塗肌爛者用真百草霜輕粉減半麻油塗

火燒肌肉手足急以米醋塗之不濃不疤但稍痛耳

不若雞子清三五個好老酒沖調敷三次即愈



一法急令二三歲小兒不論男女撒尿於室中淨土地
上少頃刮取地上浮膩潮泥敷之其痛即止解
火毒最妙

火藥炮傷者好陳酒洗淨次以熟雞子黃炒出油調
生大黃末搽之火炮轟死者急用大黃牛一隻剖
開腹取出肺腸雜物將患人裸體扛入牛腹中約
半時許人必活動急取出再用藥調理若取之過
遲人亦消化矣此軍中奇方

兜誤落火爐者醋和泥塗之一夕痛止無癰本北夢
湯火傷

八

